



04. november 2011

Inatsisartut suleriaasianni § 17 naapertorlugu Naalakkersuisunut apeqqutit imaattut saqqummiupakka:

Naalakkersuisunut apeqqutit:

1. Inuit suliffeqarfillu 2010-mi ernianut aningaasartuutitik akileraarutitut akiliutissaralua-minnit ilanngaateqartinnerisigut Kalaallit Nunaata akileraarutitigut isertitassaagaluit qanoq amerlatigisut annaavai?
2. Akileraarutitigut isertitassaagaluit annaaneqartunit qanoq amerlatigisut ineqarnermut taarsigassarsinermut atatillugu ernianut aningaasartuutitut akileraarutitut akiliutissaraluanut ilanngaataasimappat?
3. Akileraarutitigut isertitassaagaluit annaaneqartut qanoq amerlatigisut pisiniutissanut taarsigassarsinermut atatillugu ernianut aningaasartuutitut akileraarutitut akiliutissaraluanut ilanngaataasimappat?
4. Naalakkersuisut pigissaarutitut pisiniutissatulluunniit attartukkat erniaannik akileraarutitut akiliutissanit ilanngaassisinnaanermut periarfissap atorunnaarsinnissaanut pilersaaruteqarpat?

Tungavilersuut:

Soorlu tamanit naluneqanngitsoq Namminersornerup eqqunneqarnerata kingorna ukiuni siullerni Kalaallit Nunaata aningaasaqarnera annertuumik ajorseriaateqarpoq, taamaammallu Kalaallit Nunaata aningaasaqarnerata pitsanngortinniarnernani periarfissat sugaluartulluunniit misissorluarnissat pisariaqarluni.

Taamaammat Naalakkersuisut akileraarutitut akiliutissaraluanut pisariaqanngitsumik ilanngaataasartut misissortariaqaraat isumaqarpunga.

Akitsinguaq Olsen, Siumut